

# Ársskýrsla æskulýðsnefndar Borgfirðings 2018



# Borgfirðingur

## Efnisyfirlit

|                                     |   |
|-------------------------------------|---|
| Æskulýðsnefnd hmf Borgfirðings..... | 3 |
| Knapamerki.....                     | 3 |
| Keppnisnámskeið.....                | 3 |
| Reiðnámskeið á Skáney.....          | 4 |
| Páskaeggjaleit.....                 | 6 |
| Önnur verkefni .....                | 6 |

## Æskulýðsnefnd hmf Borgfirðings

Hestamannafélagið Borgfirðingur var stofnað í janúar 2018 og var það eftir sameiningu tveggja hestamannafélaga á vesturlandi, æskulýðsnefndin byrjaði að starfa um leið og búið var að stofna félagið. Æskulýðsnefnd Borgfirðings byrjaði veturinn á því að funda og skipuleggja komandi vetur. Þar voru línurnar lagðar og ákveðið að reyna að hafa veturinn sem fjölbreyttastan og reynt að komast á móts við alla þá krakka sem skráðir eru í félagið, þar sem ekki hafa allir aðgang að hestum.

Auður Ósk Sigurbórsdóttir form.æskulýðsnefndar

Fjóla Veronika Guðjónsdóttir

lðunn Silja Svansdóttir

Johanna Karin Knutsson

Randi Holaker

## Knapamerki

Boðið hefur verið upp á knapamerki fyrir börn unglinga og ungmenni í samstarfi grunnskólana í Borgarfirði og hestamannafélagsins Borgfirðings. Krakkar félagsins koma úr ýmsum áttum og því var boðið upp á knapamerkið á tveimur stöðum í héraðinu, knapamerkið var kennt í reiðhöllinni Faxaborg og á Skáney. Grunnskólinn í Borgarnesi býður krökkunum á elsta stigi skólans upp á að taka knapamerkið sem val áfanga í skólanum. Þórdís Fjeldsted reiðkennari kennir bóklega hluta námskeiðsins fyrir áramót í grunnskóla Borgarnes, verklegi hlutinn er svo tekin í reiðhöllinni Faxaborg í Borgarnesi eftir áramót, krakkarnir sem sækja námskeiðið í Borgarnesi sjá um að koma með sína eigin hesta á námskeiðið. Að þessu sinni var kennt knapamerki 1 og 2 og voru alls níu krakkar sem tóku það í Borgarnesi. Á Skáney eru það reiðkennararnir Randi Holaker og Haukur Bjarnason sem sjá um knapamerkið fyrir krakkana sem koma úr grunnskóla Borgarfjarðar á Kleppjárnsreykjum og Varmalandi. Á Skáney er aðeins öðruvísi fyrirkomulag en í Borgarnesi, þar taka krakkarnir bæði bóklega og verklega áfangann á vori og er allt kennt uppi á Skáney. Boðið er upp á fyrir krakkana að leigja hesta á Skáney ef þau hafa ekki tök á því að koma með sinn eigin hest og er það fyrirkomulag mikið notað af þeim krökkum sem sækja knapamerki þangað. Á Skáney var kennt knapamerki 1,2 og 3 og voru átján krakkar sem tóku þátt í námskeiðinu þar.

## Keppnisnámskeið

Þann 30 janúar var haldið keppnisnámskeið fyrir vana og óvana í níu skipti, fengin var reiðkennarinn Bjarki Þór Gunnarsson. Átta krakkar voru skráðir á námskeiðið og þeim var skipt niður í fjóra tveggja manna hópa, krökkunum var skipt niður eftir því hversu vön þau voru og hvað það var sem þau huguðu að í sambandi við keppni. Bjarki prufaði hvern hest fyrir sig til þess að kynnast bæði hesti og knapa betur svo auðveldara væri að segja þeim til hvað það væri sem þyrfti að laga og hvernig þau ættu að gera það svo að hver og einn fengi sem mest út úr kennslunni. Fyrir hvert mót var tekin fyrir sú grein sem keppa átti í og hjálpaði Bjarki krökkunum að gera sig og hestana tilbúna fyrir mót.

## Reiðnámskeið á Skáney

Haldið var námskeið á Skáney þar sem börnum, unglingum og ungmennum var boðið að taka þátt, voru það aðalega börn sem skráð voru á námskeiðið og fegnu þau hest og allt sem því fylgir að fara á bak í láni ásamt gistingu. Mæting var klukkan 16:00 föstudaginn 2. janúar, byrjað var á því að upplýsa börnin aðeins um það hvernig helgin myndi vera. Farið var svo í gistiaðstöðuna þar sem börnin komu sér fyrir og voru tveir til þrír saman í herbergi, þegar búið var að koma sér fyrir hittust öll börnin í stofunni þar sem mikið fjör var hjá þeim eins og alla aðra daga og þá var stofan sérstakur staður fyrir allt fjörið. Börnunum var svo skipt niður í tvo hópa fyrir reiðtíma, skipt var eftir aldri og færni barna svo allir fengu sem mest út úr kennslunni. Á Skáney eru ellefu til tólf hestar sem notaðir eru fyrir börnin og henta þeir hestar fyrir algera byrjendur jafnt og vana sem vilja læra meira. Öll þau hross sem eru notuð í reiðkennslu eru vel tamdir hestar sem eru frábærir reiðkennarar fyrir börnin. Á föstudags kvöldinu kom Edda dýralæknir og var með smá fyrirlestur fyrir börnin og þótti öllum það mjög skemmtilegt og spennandi. Mikið var um að vera hjá börnunum og var farið út að renna sér í snjónum, farið í fótbolta og körfubolta. Börnin lærðu einnig að þrifa, taka í sundur og setja aftur saman beisli, þau hjálpuðu einnig til við hirðingar og gjafir þar sem þau lærðu að hugsa um hest er meira en að ríða bara út. Á laugardeginum voru svo tveir reiðtímar ásamt nokkrum leikjum, hirðingum og gjöfum, á laugardagskvöldinu mætti svo Ólafur Flosason og hélt smá fyrirlestur fyrir börnin sem fjallaði um allt frá útreiðum til keppna og sagði hann þeim einnig nokkrar íslenskar þjóðsögur. Á sunnudeginum fóru börnin svo í einn reiðtíma, klukkan 14:00 voru börnin svo sótt. Fóru allir mjög sáttir hem eftir mikið ævintýri, fjör og skemmtilega helgi á Skáney. Við hjá hestamannafélaginu Borgfirðingi erum heppin að hafa svona flotta reiðkennara í



okkar félagi með svona góða aðstöðu og vel tamda hesta sem henta fyrir breiðan hóp fólks.





## Páskaeggjaleit

Haldin var páskaeggjaleit 23.mars fyrir börn upp að 13 ára aldri. Börnum í félaginu er boðið að koma og eiga glaðan dag með okkur við reiðhöllina Faxaborg í Borgarnesi. Nokkur börn í grunnskólanum í Borgarnesi máluðu fyrir okkur steina í öllum regnbogans litum sem síðan voru faldir í lítilli laut fyrir utan reiðhöllina og þurfa börnin að finna steinana þar. Mæting var klukkan 18:00 og byrjað var á því að fara með börnin í nokkra leiki á meðan þau voru að týnast á svæðið, að því loknu fara svo börnin og leita af steinunum. Þegar öll börnin voru búin að finna að minnsta kosti einn málaðan stein fengu börnin páskaegg og svo var farið í nokkra leiki í lok leitarinnar.

## Önnur verkefni

Hestamannafélagið Borgfirðingur átti meðal annars tvo fulltrúa á FIFE youth cup sem haldið var í Svíþjóð dagana 28 júlí til 4 ágúst. Arna Hrönn Ámundadóttir fór út sem keppandi á youth cup en Auður Ósk Sigurpórsdóttir formaður æskulýðsnefndar fór sem team leader.

Börn, unglingar og ungmenni félagsins stóðu sig einnig mjög vel á Landsmóti hestamanna í sumar.

Æskulýðsnefndin sá um sjoppu á Faxagleði Borgfirðings sem haldið var á Stóra kroppi 25. ágúst. Voru tvær ungar stelpur sem buðu sig fram til þess að standa vaktina í sjoppunni á meðan dagskráin stóð yfir.

